


宋元明清傳記  
資料叢刊系列

# 遼金元傳記 資料叢刊

本社影印室 輯

北京圖書館出版社



# 遼金元傳記 資料叢刊

本社影印室輯

18

北京圖書館出版社

朱提學德潤

德潤字澤民九世祖貫爲睢陽五老之一其後世渡江爲吳人德潤好詩文善書札尤工畫山水人物趙孟頫薦之駙馬潘陽王以聞仁宗召見玉德殿命爲應奉翰林文字兼國史院編修官未幾潘陽王斥外表授鎮東行省儒學提舉又明年二月大雪英宗獵于桺林召見獻雪獵賦累萬餘言畱京師英宗晏駕遂歸杜門屏處者三十年汝穎兵起江浙行省平章三旦八統師東征起爲行中書省照磨官參軍事慨然應命進安集之策遂定杭湖二郡攝守長興一歲移疾免以至正十五年卒年七十三有存復齋集十卷合沙俞焯稱其理到而詞不凡非詡詡以求售于人者蜀郡虞伯生嘗曰澤民文章典雅惜以畫事掩其名自茲以往澤民其豐於文

而嗇於畫可也蓋諷之云初澤民之大母施病卜壙於陽抱山之原夢一衣冠偉丈夫來告曰勿奪吾宅吾將爲而孫旣而治地五尺許得一石刻曰太守陸君績之墓別有刻在旁曰此石爛人來換石果斷矣亟掩之而夏卜兆焉復夢偉衣冠者來曰今眞得爲夫人孫矣是夜遂生澤民澤民卒葬于鬱林太守之墓旁今其墓石尚在可考也

晚春卽事三首

柳絮覺春歸輕盈著處飛東風好收拾莫遣墜征衣  
誰道林鶯老金衣薄夏新春來復春去老却聽鶯人  
柳絲綠十丈蘸水綠條鮮何事江邊客相過不繫船

十四日泊安陵

廣川六百里驛道上皇州紫極星辰近黃河日夜流村明溪

夕火灘泊過年舟明發乘車去逢人說浪遊

對月

雲間一片月照我被素襟爲持一罇酒聊成對月吟月雖不解飲我來意自溪喬松引長風吹作絲篁音瑤光映几席六合清沈沈情舒物理暢萬古同茲心

山川圖詩呈解之昂御史

山川結靈根厚地秉陰竅神功自模範嶸峿起雙嶠層巒倚天開仰盼絕飛鳥嵐光變氣候草木通溪竅東山吾舊游紈素記行臺平生丘壑情藉此寫懷抱荆關竟已矣吁吮豈真好會當躡丹梯共登天門道

次方叔淵先生自趙屯歸城中韻

晨發趙屯路郊務曷勝紀扁舟轉重灘棹激浪還迂邨溪雞競鳴時見出農耜楓林宿靄收茆屋炊煙起依稀遠江湖漸

覺近城市逢人問歸程舟子行且喜宿雨起新漲蒹葭沒秋水思倦名利涂醒心甘洗耳先生棄儒冠高蹈出鄉里優游吳楚間生事丹砂裏壯年厭世紛歲莫少知己欲拂珊瑚竿東溟釣青鯉學仙終難期世事那有已得錢聊問道垂老無妻子故人懷千里豈念固窮士

送馮海鼎待制入京

人生百年間會面能幾何昔年送公去冰雪滿長河今年送公去隄柳青婆娑春塘漾輕舸曉日生微波柔櫓數聲動游子行不歌夢隨征帆杳思逐春流多落花粘空罇錯落金叵羅聚散未足道且使朱顏酡

寓武林聞失火

九月五日夜抱衾方熟眠半夜聞傳呼巡官敲玉鞭連街報遺火援救喧爭先老兵起驚訝煙焰上逼天小桶灌滴水巨

索相鉤連健兒走掠奪貧富分目前孰云可撲滅況非燎於  
原錢塘輻輳地居處層樓巔版牆不隔尺萬家手可傳一遭  
回祿災樂歲如凶年明朝出閭巷行聽老翁言火患尚可延  
輸官憂酒錢

別後懷權贊善李仲思二宰

采采凌冬花夾道多荆菅驅車蹈前轍我僕衣裳單良集旣  
已定敢辭行路難懷人在東南歲晏路漫漫軒車來何晚凝  
睇登巘屹蒼天雖咫尺安得生羽翰幽居竟晨莫旅食惟加  
餐夜寒飄風寂水洶零露漙相思不得寐起舞影蹒跚天垂  
四野靜落月金團團

和虞先生榆林中秋對月

月高星藏光天靜四山出炊煙斂林墅羣作向昏畢物情初  
無干浮生自啾唧征途行復止鏡髮玄又白人生身抱器志

老劍在室百年生誰存一士死不沒競競凌霜幹幽花當春發

大長公府羣花屏詩

錄三

夫容

夾城遺芳栽搖落及千年夫容發靚妝絕豔秋江邊臨風拂羅幃紅裳擁三千素抱拒霜質亭亭赤城仙曾攜一枝去生綃記餘妍

白茶

秋高銀河瀉碧宇淨如洗飛仙自天來幻作白茶蕊清香不自媚迴出山谷底盈盈雙玉環婉立庭戶裏風霜非故林雨露結新意

石榴

雨餘鳴蜩歇衆綠鬱陰翳綃囊感紅巾光焰當林麗映日萼

先顰臨風葉如綴秋淡薦紅實顚裂排皓齒抵應乘槎客天  
上得先味

石民瞻山圖

女媧鍊五色大塊補不牢至今西天首天近山常高嵯峨蒼  
雲表百鳥不敢巢仙人十二樓城闕金峯巘下連丹砂井皓  
氣冲寂寥似聞笙竽韻有客醉仙桃採芝者誰子霞冠赤霜  
袍手持長年書邀我同遊遨我今胡不樂失志在蓬蒿思仙  
不得去作圖謝塵躡終當訪王子跨鳳騰九霄

泛太湖訪友

扁舟去何所渺渺太湖陰依依桑梓邨拍拍枕寒淖飛雲入  
遐睎鳥道橫青岑篙師戒勿渡柔櫓力不任我身雖骨立未  
肯折壯心放船當中流浩歌激清音何當被宮錦再作峨嵋  
吟

題拙作小圖二首

碧山高陰岑老樹立突兀嵐光凝曉候隱現蒼林密空谷有  
佳人胡寧欲行役  
招提抱層巖闌楯出虛迴微微宿靄收轉見蒼林靜客子更  
何之扶筇躡雲磴

黑谷東路山

高岡盤崔巍白石落絕壑鳴泉咽古竇巖麓淨如削緬想融  
化初元氣下磅礴山靈托奇範株脈下連絡大峰齊雲霄羣  
嶠入雲脚朱闌圍碧瓦隱見仙人宅良境不可負行將理芒  
屨

和楊廉夫縣尹游山詩韻

青山倚天高崖谷入晦冥虎豹踞九關無絲閉巖局企想賢  
哲士寥落如晨星寒風健鳥翻暑雨吹魚腥竹枝變韶舞薊

青  
鼓如雷霆黃流渾淳源浮塵滓滄溟鳳去幾千載蒼梧山更

贈牋紙呂生二首

玉肌勻膩粉初乾淡淡空青印碧闌曉日長楊新賦就墨雲  
時度玉螭寒

羅文緝緝染湘流中瑩晴空一段秋莫問殺青千古事漆書  
應讓管城侯

出郭

步出東皋隔市塵青山高下欲迎人汀花有意開何晚野草  
無名亦自春

重過彭城

誰云河廣不容舠急槳凌風渡晚潮却望彭城舊游處黃樓  
碑畔屋蕭蕭

訪劉道士

雲林溪處翠微多石室春溪長薜蘿當代衣冠正高貴不須閒誦采薇歌

題趙仲穆瀛海圖

玉觀仙臺紫霧高昔騎丹鳳恣遊遨雙成不念吹笙侶閨苑春溪醉碧桃

遊梁溪暮歸

古樹呼風作雅音石梁溪渡景沈沈山橫宿靄曉晴薄人倚曲闌秋思淡潁水空遺黃鶴恨茂陵多感白頭吟棲遲莫厭歸來晚明月驚烏繞故林

送趙季文任湖州錄判

百里奉親官署近萱堂春早燕呢喃桃花紅似郎君馬楊柳青於從事衫苕水漁舟煙浩渺何山書舍石巉巖莫思杜牧

尋芳晚剩有新詩寄一緘

俞元明參軍雪中以詩招飲就和韻時學士東泉魯公大參叔能王公御史子昭郭公同行

上方山頭雪迷路石湖橋上作行春湖光萬頃送歸棹山鳥一聲如喚人靜樂可忘軒冕貴清遊端勝綺羅塵人間今古誰能賞詩思不如圖畫真

送達兼善元帥赴浙東

伏波將士出鄞東夜斬鯨鯢碧海中虎帳護寒雲蔽日龍旗催曉浪翻風帆開鷁羽桅星白箭拂髦頭血點紅洗手便聽歌凱捷大藩文帥作元功

三月十八日卧病感懷

卧病兼旬忤物機夢游蓬島欲心飛無心縮地憂行役有意談天畏是非流水點紅桃雨霽長林迸綠筍芽肥便須再約

坡仙去爲覓還山舊羽衣

和李仲節詠落花韻

谷鶯啼老稚桑新粉褪紅消只數晨輕逐曉風粘酒竿半和  
塵土上車輪香隨流水千年恨影別殘陽幾度春却憶當時  
研光帽山香一曲淚沾巾

大明殿口占

絲竹聲傳鼓似雷寶裝馳象列三台從官緋紫東華入阿母  
旌幢興聖來繡鳳鋪裯耀疊煖金龍纏柱宸屏開大官獻納  
鹽梅味獨有雙成捧玉盃

次韻王繼學參政題美人圖

錄二

紅葉題詩

金殿風微拾墜紅題詩聊寄御溝東芳情有意隨流水細字  
無心學斷鴻別館乍涼霜透幕長門深夜月移宮才情偶爾

成佳配不道周南有國風

對鏡寫真

千金畫史託鉛華難寫春心半縷霞  
兩面秋波隨彩筆一奩冰影對鈿花  
情憐曉月秦川雁思逐朝陽漢樹鴉  
不信雲間望夫石解傳顏色到君家

漢銅虎符歌

建章前殿金鳳凰兵符五出單于降  
漢家明詔下雞鹿將軍夜送呼韓王  
棘門驃騎多猛士酒酣擊劍願效死  
征和丞相佐君王從此合符兵不起  
霜風千年換陵谷銅秀土花青似玉  
班班只憶漢彤庭用夏那知變夷俗  
當時銜命出關中編鬚豈敢要奇功  
平原豺獸不擇肉印章千里空泥封

偕張清夫登道場何山

用坡仙韻

松楸夾道雲迷麓細泉無聲走空谷  
捫蘿倚磴行轉緩百折

峰巒看未足鷓鴣泣雨山漫漫懸崖老樹蒼虬蟠登樓倚檻  
俯木末漱泉汲澗分餘湍老僧延坐話夙昔夜半談空屢前  
席自言久是茲山主殿下長垣屢封植山頭碧瓦如連環曾  
聞仙客來雲間猿驚鶴怨知幾許伊吾聲斷愁空山明朝煙  
雨開晴旦折花臨水春將半我亦歸山讀故書何必懷僊生  
浩歎

題張參政所藏驄馬滾塵圖

盛唐太僕王毛仲八坊分隊三花動當時畫馬稱曹韓尺素  
幻出真龍種玉花照夜爭新妍一馬滾塵鬣尾鮮昂頭不受  
金絲絡汗血輾沙生晝煙翰林妙寫不減古名駒染出青豪  
素延祐君王賞駿材金盤賜帛開當宁時清處處生驪駒何  
必漢朝稱渥洼王良幸勿嗔踉蹌一躍大衢千里沙

仙山圖爲趙彥昭賦

空同之山戴斗極，疊嶂橫陳開碣石。翠崖丹磴互低昂，複閣層闌轉空碧。碧桃花落笙聲幽，雙成吹玉彩鸞謳。跨鳳騰雲去無跡，清猿嘯斷層崖秋。霞光隱映山長在，寰海茫茫隔煙靄。舊游仙侶謾招呼，誤落人間幾千載。吳爭越戰何可數，束書欲問桃源路。畫圖空見避秦人，隔水漁郎不相顧。

和趙季文感粟吟

高堂風露生涼秋，興來乘月登西樓。杜寬對客被短褐，獨吹觥栗驚羣優。移商換羽窮雕鏤，篴篥聲不侔。梨園宮人清淚收，昔聞此曲供王侯。金花玉管蒼鳳頭，當筵咿啞和梁州。緩急應節如解牛，清風席上寒飈颺。關山葉落清渭流，朝供暮奉何時休。歸來白屋書謾抽，走謁高貴多請求。撥刺驚魚度寒湫，山空鶴怨中夜愁。時作低韻同羌謳，趙公一聞能解憂。先生作歌君少畱，昔曾天上聆鏘球。翕如鸞鳳鳴丹丘。